

新都縣輿地圖序

往嘗讀周禮地官大司徒之職掌建邦之土地之圖及職方氏掌天下之圖辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害又讀太史公書稱蕭和收秦丞相御史律令圖藉藏之漢王具知天下戶口阨塞多少疆弱民所疾苦者以和得秦圖書故也漢以下圖藉之學寢湮故班書僅詳地志而於輿圖缺然至晉裴秀氏分著其端實爲後世開方計里之祖近世西人精其法而變通之圖學亦顯顯大明而流衍遂及於中國新都志局開始特援志例測繪輿圖圖成視前精確凡夫道里之遠近山川之險要途路之紛岐靡不備具而於周禮所稱周知其利害及

新都縣志

第一編輿地

圖序

一

太史公書所謂阨塞多少疆弱之數民所疾苦者或卽寓乎其中然予尤謂形勢者亦因時地爲轉移不能以拘墟之見繩之也縣境地處平衍無形勢之可言惟左據清白江右據昆河挾勢東下時錯出於金漢之間國變以來莠民多恃爲輿區擒治尤不易易故就新都今日而論則以東南爲重而西北較輕試爲按圖而稽當能審究其端倪而徐施控御之術然則後有留心民瘼者卽以是圖爲求治之嚆矢也亦無不可

新都縣志第一編輿地目錄

沿革

疆域

官署

城池

附古蹟

鄉鎮

附古蹟

形勢

山川

水利

物產

新都縣志

第一編輿地

目錄

一

新都縣志

第一編 輿地

沿革

前漢置屬益州廣漢郡

前漢書地理志益州廣漢郡領縣十三其九曰新都縣

華陽國志 高祖六年始置廣漢郡領縣八其四曰新都縣

按新都置縣年代無考首見於漢書地理志及華陽國志故斷自漢置

後漢因之

後漢書郡國志 益州廣漢郡領十一城其二曰新都縣

蜀漢因之

新都縣志

第一編輿地

沿革

一

宋書州郡志 新都令漢舊縣

按華陽國志劉後主志二年丞相亮開府領益州牧是蜀漢時雖建國成都固仍有州也又資志通鑑備既定蜀乃分廣漢為梓潼郡是當時舊仍有郡也又資志通鑑魏黃初二年飛當有兵萬人自閬中會江州注云閬中縣屬巴西郡是當時固仍有縣也不見於州領郡以查華陽國志沿兩漢舊制無甚更張惟新不名不見於州領郡以查華陽國志沿兩漢舊制無甚更張惟新不遺漏而宋書州郡志復明言自漢至宋郡縣無移改者則注云其有分合變遷於蜀漢為近常氏又親歷蜀土其所紀當無漢舊是新都之於當時亦無分合存廢可知惟資治通鑑魏黃初七年孫權分三郡險地為東安郡注云三郡豫章丹陽新也又明帝景初元年諸葛恪至丹陽移書四郡屬城長吏注云四郡當作四郡謂吳郡會稽新都郡陽也或可知也誤以新都郡為新都縣而又誤吳郡為蜀漢未可知也

晉初屬梁州新都郡後屬廣漢郡

清一統志 魏景元四年分置梁州晉亦為梁益二州梁州領

郡八其四曰新都郡

晉書地理志 武帝泰始三年分廣漢置新都郡太康六年罷

新都郡并廣漢郡新都郡領縣四其四曰新都縣

按顧祖禹讀史方輿紀要述維清沿革云晉泰始二年廣漢郡  
治廣漢縣而分置新都郡治維清一統志述廣州沿革亦云晉  
泰始二年為新都郡治是當時之新都郡治在今之廣漢縣而  
非新都縣也又查晉書地理志武帝泰始元年封諸王子漢郡  
為國越一年封皇子該為新都王是其所謂新都者係指新都  
郡而言而非新都縣也該更證以武帝紀同時受封者除新都王  
該外尚有始平王瑋濮陽王充清河王遐而始平濮陽清河或  
為郡或為國具載於晉書地理志斷無獨薄於該降封以縣之  
理而宋書州郡志云新都令漢舊縣訛晉傳武帝  
為王國誤舊志又襲用之則是以訛矣

宋屬益州廣漢郡

宋書州郡志益州廣漢太守領縣六其三曰新都令

新都縣志

第一編輿地

沿革

二

按宋書州郡志書新都令漢舊縣等守類其詞不經見段  
裁於富順縣沿革直書宋屬江陽太之而其引用江陽令故漢玉  
縣一語又省云江陽漢舊縣如謂太守與令均為當時郡縣舊之  
稱則漢世固未嘗稱郡為太守稱縣為令也如謂太守與令均  
為當時職官之稱則當時仍自有郡縣之名而不名之曰太守  
守與令也特不識沈氏何以不曰郡縣而曰太守與令耳

齊因之

南齊書州郡志 益州廣漢郡領縣六其三曰新都縣

梁屬始康郡

隋書地理志 又有新都縣梁置始康郡

按隋書地理志述成都縣沿革云舊置蜀郡又有新都縣  
始康郡西魏廢始康郡開皇初廢蜀郡並廢新繁入焉十  
改新都曰興樂大業初置蜀郡興樂於此又有新都縣梁置  
解茲為析其辭曰成郡舊置蜀郡興樂於此又有新都縣  
康郡於此西魏廢始康郡新繁亦省入成都屬蜀郡開皇  
廢新繁入成都縣始康郡亦省入成都屬蜀郡開皇初廢蜀郡

爲興成都縣大業初復蜀郡又言興此樂而新都縣於隋長孫氏爲入  
世之興成都縣大業初復蜀郡又言興此樂而新都縣於隋長孫氏爲入  
成之由疆域之內是以文獻通考各代之事一實之差者蓋一  
改之由疆域之內是以文獻通考各代之事一實之差者蓋一  
蓋未現制作一通考之志則應重考各代之事一實之差者蓋一  
千之現且梁又於成都置郡並廢之惟寄治耳隋地志都未  
能同時又於成都置郡並廢之惟寄治耳隋地志都未  
明重寄四治則其志非寄治新縣知沿革云改也爲嘉慶二十  
州郡之名或以來變州領郡制以郡領縣古不易也沿爲定時  
蜀郡之始改名或以來變州領郡制以郡領縣古不易也沿爲定時  
郡未置始改郡或分廣漢置郡也即分都廣漢郡而置始於  
縣得云始改郡亦未可也云改氏新郡也至晉書毛璩傳時祖爲  
始康太守曰宋書州郡志曰新城太守晉曰帝立關南齊治  
成都領四曰宋書州郡志曰新城太守晉曰帝立關南齊治  
郡志始領四曰宋書州郡志曰新城太守晉曰帝立關南齊治

### 新都縣志

#### 第一編輿地

沿革

三

當然無耳其在晉置之時或另置郡處關隴或移之來收復  
關隴地耳其在晉置之時或另置郡處關隴或移之來收復  
郡於新語似有別於晉文未臆斷之細長孫氏去梁另置始於  
宋書南齊書亦不一志於新寓故沿革之意則大書梁另置始於  
郡於新語似有別於晉文未臆斷之細長孫氏去梁另置始於  
其何所據不識

### 西魏屬益州蜀郡

#### 隋書地理志 西魏廢始康郡

### 北周因之

資治通鑑 周梁睿討益州總管王謙逼成都謙走新都新都  
令王寶執註云新都縣屬蜀郡

按北周于梁敬帝太平元年受西魏禪後無改置新都  
縣明文則通鑑所載之新都縣仍係西魏之舊無疑

隋開皇初省入成都縣十八年復置曰興樂大業初又省入成都縣屬蜀郡

隋書地理志 開皇初廢蜀郡十八年改新都曰興樂大業初置蜀郡省興樂入焉

唐復置屬劍南道成都府

舊唐書地理志 武德二年置新都什邡二縣劍南道成都府領縣十其三曰新都縣

新唐書地理志 劍南道成都府領縣十其三曰新都縣

五代前蜀後唐後蜀因之

新五代史前蜀世家 唐僖宗鳳翔二年西川節度使陳敬暄

新都縣志

第一編輿地

沿革

四

發兵拒王建與建相持濛陽新都百餘日

資治通鑑 唐僖宗文德元年王建攻陳敬暄於成都軍於新都又昭宗大舜二年韋昭度以印節授建即日東還建送至新都又是年王建攻陳敬暄急敬暄黨楊晟自彭州饋敬暄食建以兵據新都彭州道絕又後唐明宗長興三年孟知祥擊敗董璋復將兵如梓州至新都趙廷隱獻董璋首

接五代時西川也凡三易主曰前蜀曰後唐曰後蜀而舊五代史郡縣志新五代史職方表皆不載新都縣然新五代史前蜀世家及資治通鑑均記有新都當日事蹟足證新都縣在五代時猶存又新舊五代史及資治通鑑亦均無改置新都縣之明文則是仍沿唐代舊制無疑

宋屬四川路成都府路成都府

清一統志 宋成平四年分置益梓利夔四路總曰西川路並於益字下註云後爲成都府路

宋史地理志 成都府路成都府領縣九其三曰新都縣

元屬四川等處行中書省成都路

清一統志 元置四川等處行中書省並註云領成都嘉定等九路三府二屬府三十六州一軍

元史地理志 成都路領縣九其三曰新都縣

明屬四川布政使司成都路

清一統志明置四川等處承宣布政使司並註云領成都保寧等九府六州四軍民府

新都縣志

第一編輿地

沿革

五

明史地理志成都府領縣二十五其七曰新都縣

清屬四川省成都府

清一統志 四川統部成都府領縣十三其七曰新都縣

民國屬四川省西川道

民國成立廢府存道新都縣屬四川省西川道

疆域

新都疆域縣城據全境中央邊界毘連六縣茲依城心起點正東至金堂縣界二十里以金新橋爲界至長處三十二里與彭家橋接界正西至新繁縣界二十里以王家樓爲界正南至成都縣界八里以毘河泥沱爲界由毘河溯流迤西至長處二十里以成都班竹園

爲界迤南至長處三十八里以成都二臺子爲界正北至廣漢彭縣縣界均二十五里東南至華陽縣界二十四里以新華橋爲界至長處三十八里以虎頭山梁子爲界西南二十里至成都新繁兩縣交界之班竹園爲界東北至廣漢境二十八里與禾嘉寺接境西北至新繁二十四里以河吞場爲界其周圍正東緣邊毘連金堂縣境四十五里正南緣邊毘連成都縣境五十里正西緣邊毘連新繁縣境四十八里正北緣邊毘連廣漢縣境三十五里又彭縣縣境六里東南銳角緣邊毘連華陽縣境三十里計繞縣境一周共二百一十里有奇計其直徑東西距離四十二里最廣處五十二里南北距離三十四里最廣處三十八里西北至東南五十里最廣處五十八里東

新都縣志

第一編輿地

疆域

六

北至西南四十四里最廣處四十八里綜計全境面積一千七百萬方里有奇

官署

縣署在城西南隅桂湖前明正德中建清康熙六年知縣畢成英就舊署重建乾隆四十五年補修民國五年三月十六日夜燬於匪七年八月知事楊燾督紳募捐仍舊址重修八年八月工竣用去銀七千八百九十餘元計川堂五間騎廳三間民刑庭七間上房五間上房東西廂四間東西花廳八間頭門三間二門三間警備隊室十二間辦公室九間騎廳二間東幕室三間西幕室六間茶房一間廁房一處周圍牆垣七十八丈



管獄署即舊典史署清康熙中就城西上陞街升菴故第建  
徵收局無定所現佃設廢訓導署

教育局即舊勸學所設城東聖諭亭巷文昌宮後殿

實業局無定所現佃設城東聖諭亭巷文昌宮前廢考棚右舍

警察署設舊汎署民國十三年廢

菸酒事務監察所現佃設東街火神廟內左側

團練局設城內棉花街川主廟左側

地方收支所設城隍廟後殿右側

市政所設城內公共體育場側

教諭廢署在城南文廟右建置年代不詳現爲女學校

### 新都縣志

#### 第一編輿地

官署

七

訓導廢署在城南文廟左側建置年代不詳售與農會

把總廢署在城南街建置年代無考售與地方稅收支所

巡檢廢署在彌牟鎮武侯祠側今廢

#### 城池

附古蹟

明正德初知縣張寬百戶湯聘莘建十二年知縣韓奕以南門臨河  
增置月城張獻忠亂後頗有頽塌清乾隆三十年知縣曹焜重治城  
垣嘉慶十六年知縣宮鑑桂重修城樓咸豐十年知縣劉建愷增修  
北門月城高一丈八尺全城周回一千六百七十四丈民國十六年  
建成趙馬路車站拆卸北門月城又擴桂湖爲公園拆卸湖邊城堞  
一百三十丈有奇

此按舊志引讀史方輿紀要二則此城一新都舊城治東二里漢縣治  
末置始康郡寄治維始康縣屬焉宋齊因之西魏郡縣俱廢各  
等語查晉置之始康郡與新都縣無關已於沿革內詳之矣  
且讀史方輿紀要始康郡一條實附於金水廢縣即今金堂之下並稱寄  
治成都而不云寄治維縣再查金水廢縣即今金堂之懷口鎮  
與新都相距百里而遙其所云治南二里之始康城決非新都  
縣南可斷言也舊志誤又按劉春楊留耕公行狀載會孫慎  
舉進士藩鎮諸公欲為建坊表公再四辭之不可則告之曰與  
其徒光寵一舉子盍移為城以大庇一邑乎諸公欣然應之曰  
成而廖賊之衆適至等語考楊慎舉進士在正德五年而張寬  
湯聘莘宋維中等砌城在正德六七年或者築城之費移自建  
坊之資而司其役者為張寬湯聘莘  
宋維中等耳姑為臆說附識於此

升菴故第 即今管獄署在城西上陞街原有桂二株榴一株黃

夫人有庭榴詩見文徵 康熙中桂尚存後不知何時為人伐去惟

榴獨存乾隆中典史鈕正湘植二株補之榴形質奇詭如游龍

### 新都縣志

#### 第一編輿地

城池 附古蹟 八

民國初管獄署某伐去之令存者其劈枝之小者也

桂湖 在橫南街縣署前明楊升菴於兩堤植桂樹遭明季兵燹

湖廢為田清嘉慶十七年邑令楊道南重濬為湖道光十二年

邑令汪樹就基地結舫居方亭岸南建觀音堂湖東建樓供蒼

頡朱衣諸像水亭依其傍十九年邑令張奉書購湖東隙地畝

餘以益之斥其樓閣以為前後廳祀升菴像於中右為水閣左

跨湖為舫壘石為山湖中築臺為月夕吟眺處迤東建殿宇奉

諸神像咸豐四年於湖中新建謝公祠藍李亂後建火藥庫於

湖西光緒三十二年吳鴻恩以其家藏升菴墨蹟三則刻石置

湖內蒼頡殿外壁民國二年邑令高培德建草亭於升菴祠杭

秋之側又就城堞建亭曰蝸角十六年駐軍國民革命軍第二十八軍二混成旅一團團長陳澤集邑紳議決擴為公園另建正門及橋兩道築沿湖馬路購牲畜市為花園移進門舊兩廊於湖東廢地曰飛虹折火藥庫置圖書館工鉅費大迄今猶未葺事

楊狀元祠 在城內西街清乾隆五十四年知縣徐世經重建道光十六年楊光海重修豎文獻在茲坊於祠門有閤蜀紳士公建六字西關外又有升菴故里坊光緒九年知縣孫培元重修三十四年知縣鄧隆重葺顧記云在城南不知何年移置元杜圭墓 在東關外二里

新都縣志

第一編輿地

城池 附古蹟 九

楊壽山墓 在西關外約一里

明贈少保楊玟即李玟墓 在楊壽山墓側

明贈少保楊春墓 在楊玟墓側勅建

明光祿大夫柱國少師兼太子太師吏部尚書文淵閣大學士諡

文忠楊廷和墓 在楊春墓側

明修撰諡文憲楊慎墓 在楊春墓右

明兵部職方清吏司主事敘菴楊惇墓 在楊慎墓側

德陽僖安王墓 在龍門山

按王名友城和王悅熨庶三子  
正統十一年封成化十一年薨

仙觀 在東關外紫瑞街四方壁立上為玉皇殿

僖宗行殿遺礎 在北關外寶光寺

名勝志 治北寶光寺後有柱礎圍丈二尺圓徑二尺高尺八寸唐僖宗避黃巢至蜀遣御史賚璽書召知元國師憇息其地掘地得石函中有如來舍利尋建浮圖以瘞之仍建精藍曰寶光

五丁擔 在毘橋側

寰宇記 今都內及毘橋側有一折石長丈許云是五丁擔土擔也

按西區古蹟因無鄉鎮可附故附於城區後俾免遺漏

鄉鎮

新都縣志

第一編輿地

鄉鎮 附古蹟 十

彌牟鎮 一名唐家寺在縣東北十七里後唐時已有之明季兵燹廢為邱墟清康熙二十二年重建

八陣圖 在彌牟鎮市外舊壘踐踏漸平清乾隆五十五年知縣薛諧律補修如故道光十七年二月邑庠馬中良等控告羅鳳岐熊應壽等修造房屋毀滅古蹟邑令張奉書親往踏勘將侵占地界清出丈計三十六畝四分四厘七毫四絲圖堆僅存七十一壘光緒庚子拳匪掘毀數壘今形勢完全者祠左二十有三壘祠右十有四壘其餘摧崩隕廢形式不完全有遺跡可指者尚有二十餘壘云

按古今辨八陣圖者多矣累牘連篇難衷一是益州記云稚子闕北五里有武侯八陣圖土城四門中起六十四魁八八為行

方一丈高三尺圖經云八陣凡三百五十有六圖考云武侯於  
者一百二十有八在棋盤市者二百五十有六圖考云武侯於  
八陣鄉以土為隆基凡一百三十一所是陣內遺壘分明可指  
數者諸家記載尙顯有異同況圖內義旨精深得失更無從質  
證志記古蹟例不應多載繁文故闕於諸  
家論辯概未錄入以期簡潔讀者諒之

王稚子雙石闕 在彌牟鎮西北五里官道西墓前原有二闕各  
高三丈左右相向立一題漢故先靈侍御史河內線令王君稚  
子闕一題漢故兗州刺史洛陽令王君稚子之闕清雍正九年  
漢故先靈侍御史一闕沒於溝水惟漢故兗州刺史一闕尙存  
字分裂爲二道光十七年知縣張奉書用磚石嵌合碑字爲一  
計高一丈五尺字逕三寸四寸不等並清丈墓基周圍及墓前  
餘地作葫蘆形共計三畝五分五釐零六絲一忽又於墓前餘

新都縣志

第一編輿地

鄉鎮 附古蹟 十一

地修瓦房三間計二分四釐二毫零八忽闕即墜瓦房中後壁  
道旁立神道碑一通光緒八年雪堂和尚鄧文甫送王懿榮於  
此十二年尹壽彭爲繪新都讀碑圖十五年雪堂和尚刻石嵌  
於左壁

王象之碑目考 在新都縣五里渙字稚子東漢循吏也冢前  
有二石闕一題漢故兗州刺史雒陽令王君稚子之闕一題漢  
故先零侍御史河內縣令王君稚子之闕

劉涇王稚子石闕記 西漢循吏稱文翁葬於成都其石室在  
學宮東漢循吏稱王稚子葬於郫縣即今之新都石闕在道旁  
然石室依古禮殿得不磨滅而石闕獨暴露骨立可憐歷兩漢

千三百餘年間二人爲古今吏師而遺跡亭亭勢參岷峨氣凜雪山蓋官學所當臣於不風以幸教髣髴而至有未及者其不遑如此余訪古石類得秦石犀石筍漢石室石柱石闕凡五物若犀筍與柱無甚損益事而石闕苟不朽則實二人之甘棠也於是新都令王君天常趣古甚力得予說因請大尹莆陽蔡公爲稚子作屋書榜以昭昏昏按闕面有隸字三十一法度勁古過於鍾梁闕上下有衣冠鳥獸等象僅可辨氣韻精簡過於顧陸並以告來者

王士禎蜀道驛程記 王稚子闕下方上銳壘石如壘棋其巔如蓋覆之望之如窳堵波狀壘石凡五層二層刻人物之形三

新都縣志

第一編輿地

城池 附古蹟 十二

層象虎海馬五層獅子也

金石圖 闕在新都縣北十二里官道西墓前高一丈五尺闊三尺厚二尺五寸字逕三寸五分東向按王君闕有二其一云漢故先靈侍御史河內縣令王君稚子闕雍正九年沒於溝水中

兩漢金石記 新城王文簡秦蜀驛程後記所錄西闕正面曰漢故先靈侍御史河內縣令王隸書其陰曰西漢循吏云云行楷直下書又云石闕闕字中畫已失之矣然此陰以今拓本驗之乃是雒陽令一闕之陰非河內縣一闕之陰也文簡蓋偶誤記耳又云拓本楷書二半行乃王稚子闕之陰殘字也

授經堂金石記 黃小松所藏舊拓本字尙顯存惟線字剝損  
趙德甫釋線作縣謂稚子嘗爲溫令而刻石爲河內令者蓋史  
之誤洪氏指河內縣令者以郡爲尊蓋謂河內之縣令耳即溫  
也予以字證之溫通作緼隸釋所存線字即緼字之轉今此拓  
本線既全沒蓋當宋時必亦有殘蝕遂至誤認爲縣按詩飲酒  
溫克禮器溫之至也內則柔色以溫之漢書義縱傳少溫藉義  
並與蘊藉同則石刻舊必作緼也稚子見古樂府亦言渙從溫  
補洛益證史爲非誤雲漢正義溫字引定本作蘊

金石苑 闕有二其一漢故先靈侍御史河內縣令王君稚子  
闕其一漢故兗州刺史雒陽王君闕稚子之闕今只存八字餘

新都縣志

第一編輿地

城池 附古蹟 十三

已泐明季太倉黃子羽翼聖令新都罷歸以二闕遺顧云美苓  
後仍歸子羽乾隆乙巳在黃小松司馬易處錄入小蓬萊閣金  
石文字闕陰有宋劉涇字巨濟記旁有題名數段其二段字猶  
約可識上段云宛邱朱昇符李士宏眉陽張剛而小蓬萊閣金  
石文字誤朱爲李誤李爲季眉陽張剛脫去陽字且將二段並  
爲一段亦誤別有唐安張察先至紹興八年伯疆字缺一漢同來  
二段皆在闕下第四層建安吳棫字缺一赴鎮明年二月字缺一皆  
謁漢循吏王字缺一城東秉同之激字缺一若犀筍與柱字缺也餘  
是新都字缺大尹莆陽以下皆缺均在第五層北面見新城王文簡  
公秦蜀驛程記今石皆不存

金石萃編 按二闕已亡其一昶家藏舊拓本先靈一闕尙存全蝕者惟四字耳稚子爲河內溫令而闕題河內線令金石家皆釋爲河內縣令曲爲之說武君億獨云線卽緼字緼與溫通其論甚核隸書盪字作盪與臬相似石刻剝落遂釋緼爲線指爲縣字反文繆也商周器物文間有偏旁互寫如駒作駒鄗作隨之類不可勝數漢魏甄瓦款識亦多反文者良以字出模範易於顛倒漢碑皆由當時鑄刻應無此誤且漢人題名大率郡縣並書碑陰中此例尤夥其有郡縣同名不嫌複出如孔彪碑博陵之類從未見縣名之下復加縣字者益足見諸家所釋爲未確也蘊溫古並同聲詩小宛云飲食溫克箋云猶能蘊藉

新都縣志

第一編輿地

鄉鎮 附古蹟 十四

自持以勝正義云定本及箋皆作溫字舒瑗毛詩義疏云包裹曰蘊謂蘊藉自特含容之義經中作溫者蓋古字通用方言蘊崇積也廣雅蘊崇積也說文蘊積也引春秋傳云蘊利生孽令木昭十年左傳作蘊利又昭二十五年左傳蓄而不治將蘊蘊蓄民將生心顏氏家訓引郭璞三倉註云蒼蘊藻之類也以蘊蓄爲蘊蓄蘊藻爲蘊皆蘊溫相通之證東觀漢記稱渙除何內溫令商買露宿人開門臥人爲作謠云王稚子代未有平徭役百姓喜蓋渙得民心如此

明節孝錢氏墓 在彌牟鎮外距墓數武有錢氏節孝坊  
明清風先生楊學可墓 在彌牟鎮北三里太平橋右



明何岷江墓 在楊清風墓側碑題明耆儒何岷江老先生之墓  
萬曆乙酉春吉男美寬學忠孫其泰其晉其益其萃其豫  
其蒙其升其恒立奉直大夫知鎮南事廣漢七泉楊題清光緒  
癸未碑石斷裂歲貢溫永瑗同文生溫德慎溫永敬九品銜溫  
德第等捐資培修

兵部侍郎楊廷儀墓 在縣北十八里臥龍岡

何孝童國興墓 在縣東二十里彌牟鎮外

永新場 一名新場原名新興場在縣東十八里距彌牟鎮十二里  
建置年代無考清道光二十二年更今名

桂林場 一名泥沔沱在縣南八里居毘河下游相傳明時舊有場

### 新都縣志

#### 第一編輿地

城鄉 附古蹟

十五

兵燹後廢民國十五年復建

征西將軍馬超墓 在桂林場北五里清康熙間李劉二姓相繼

侵葬雍正十一年經邑令陳銛查覺爲立石於墓之四隅定距

墓一十八步爲墓域道光十七年知縣張奉書清丈前後基地

共三畝一分七釐四毫周圍豎以牆垣有碑二一豎墓前題曰

漢故征西將軍馬公諱超字孟起之墓乾隆五十三年十一月

署新都縣知縣薛諧律立宣統元年五月署新都縣知縣鄧隆

重刊一豎道旁題同墓碑明四川按察使楊瞻立道先十七年

知縣張奉書重刊

大同遺碣 在桂林場東北五里正因寺中碣高五尺寬一尺八

寸餘厚五寸四面皆刊佛像碑額接引佛像上橫刊一赤足形  
左側有大同五缺右側有咸通字缺一年歲次癸未另行有大元  
至元太歲己卯焚獻餘字蝕化不可辨下側亦有字更模糊難  
識

按六同係梁武帝年號寺必建於梁舊志稱唐咸通建似誤  
又按六朝崇尚佛教朝野一致而造像尤工吾蜀大足縣之北  
山佛灣寶鼎山佛巖正與千佛碑同不過其規模微有廣狹不  
同耳宋杜午云自古天下名山洞府聖跡所在沿路必為佛像  
所以示聖境也千佛之制殆沿於此又按成都昭覺寺康熙  
三十二年重鑄釋迦雙跡靈相圖題曰玄奘法師西城來云  
堵波側精舍中有大石如來所履雙跡猶存佛在此石上告阿  
難曰吾今留此足跡將入寂滅百歲之後有無愛王臨此地匡  
護三寶後請回支那唐太宗勅賜潔石流芳諸國見者聞者共  
入妙莊嚴海等語此雙跡圖所由來也但不識隻足者始於何  
時其意何取耳

新都縣志 第一編輿地 鄉鎮 附古蹟 十六

明蜀藩中卿雙溪周公墓 在桂林場小東嶽廟側有蜀藩諭祭

文碑今佚

明蜀藩內官雙江常公墓 與周公墓合塚

昭信校尉百戶侯湯鼎墓 在桂林場二里距縣城約二里墓前

有明懷遠將軍成都府後衛指揮同知陳敬撰墓誌一通正統

八年癸亥四月十五日立字半磨滅不可句讀

昭信校尉百戶侯湯毅墓 在湯鼎墓側

布政使湯仰墓 在湯毅墓側

泰興場 一名新店子明為金安鎮清初名復興場在縣南二十里

明喻夫人墓 在泰興場濫泥溝勅建

軍屯鎮 在縣北二十里宋時已有之見王存元豐九域志明季兵燹以後廢爲邱墟乾隆五十三年知縣薛諧律復建

明兵部侍郎楊廷儀墓 在軍屯鎮數里臥龍岡距城十八里墓

前石人二石馬二石羊二石虎二石獅二望柱二俱存

馬家場 在縣北十二里創建年代無攷

楊寧仁墓 在馬家場普利寺側碑題皇明誥封

奉直大夫楊公  
宜人楊母滕氏

墓崇禎四年辛未吉日子金吾孫開泰立

楊金吾墓 在楊寧仁墓側

白螺泉 在縣北五里祈水靈應值大旱全活生命無數其建廟

界址東長十弓西長十二弓五分上橫六弓下橫七弓

新都縣志

第一編輿地

鄉村 附古蹟 十七

河吞場 在縣北二十五里縣境與新繁於此交界

山脈

縣境大都沃野平疇無高山峻嶺惟迤南一帶稍有淺山平遠其脈由省西鳳凰山發出經磨盤山石子嶺入縣境爲繁陽山赤岸山龍門山縱橫不過十餘里蜿蜒而東入華簡諸界則山勢隆嵒愈趨愈峻矣

繁陽山 在縣南十五里脈由石子嶺接連皇恩寺孤峯特起環列城南相傳上有麻姑洞通仙井浴丹池諸勝以在繁水之陽因名赤岸山 在縣南十七里山色赭岸常有光似火因名一名宋興成山高一百四十丈與繁陽山相接迤邐東南行入華簡界內山頂有

廟曰木蘭寺

龍門山 在縣南十八里由赤岸山分支東行至泰興場入金堂縣界明一統志載山下有龍洞因名

麗元山 在縣北八里雖以山名其實即培塿之類太平環宇記載麗元山平地特起四絕高約三丈上有雙石境得名或以此耳

### 河流

江水發源於岷山自灌縣夾離堆分爲東西二流其西流爲岷江正流東流即沱江凡無關縣境諸水概不錄其入縣境者爲東流之支派共成三大幹河一錦水河係中幹此河析爲五小支流一昆河係南幹此河析爲一小支流一清白河係北幹此河析爲八小支流流

## 新都縣志

### 第一編輿地

山脈 附志 十八  
河流

經金堂縣屬之趙鎮作一大合出金堂峽東下是爲沱江正流

錦水河 縣境中條幹水由崇寧石壩子至新繁縣火燒堰分左右流左流則湔水右流則錦水也其水自崩河坎入縣境至天綠橋下流里許匯入昆河河身在縣境約長三十里計析支流五

一馬沙堰河 錦水左支流分南北二支流入縣境北流由龍堰入南流由三道橋入兩水至譚家碾合流繞縣城北環寶光寺歷龍鳳橋東至永新場新金橋流入金堂縣界河身在縣境約長四十餘里

一白水河 錦水左支流即舊志所謂水利河也由大小白水堰入水經五馬橋清源橋環縣城西南又東過黃家橋析而南流

至張家菴入昆河河身在縣境約長四十里

一宋婆堰河 錦水右支流由新繁宋**漢**堰分引錦水入縣境經白雲菴至天緣橋下流入錦水河河身在縣境約長二十餘里

一平昌堰河 錦水右支流此水係新繁薑水河餘水原分錦水河水於崇寧平闖口流入縣境經羅家碾姚家碾旃寺入宋**漢**堰河河身在縣境約長十里

一坂橋河 由白水河清涼堰分行錦水爲一小支流經油榨堰沙堰子至永新場三星橋入金堂界河身在縣境約長十餘里

昆河 縣境南條幹水羣指爲沱江正流其實江水由都江堰而東出統名爲沱江此河歷郫縣新繁全斑竹園入縣境流經莫籠堰昆

新都縣志

第一編輿地

流河 附古蹟 十九

橋泥**沱**沱苟家灘新開濠張家菴瓦窰灘入金堂界河身在縣境約長六十里凡灌縣之木炭資內之糖酒舟楫往來絡繹不絕均由泥**沱**沱起載民國十五年就地建桂林場亦因水陸交通貨物繁盛故也計析支流一

一龍門河 昆河支流在縣南十二里由二江沱下游分支與成都千工堰流入縣境之水匯爲龍門河繞龍門山麓迤邐東行經龍門橋蟠龍橋邵家寺入金堂界河身在縣境約長三十里

清白江 縣境北條幹水湍水正流也自都江堰流經彭縣新繁益以蒲陽瀾濛諸水入縣境其流愈大至向陽場入廣漢界河身約長三十餘里計析支流八

一常樂堰河 清流江第一支流引水自蕭家碾人縣境經馬家場側歷上高橋下高橋五里橋封賜橋至雙龍橋數里入金堂界河身在縣境約長三十餘里

一楊柳堰河 清白江第二支流由新繁火燒堰下分支入境其水分南北二流南由雙柏樹人北由大成橋入至洪水碾王石橋兩水合流爲督橋河卽繡川河東行經青石橋金桂橋入金堂界河身在縣境約長五十里

一蘿蔔堰河 清白江第三支流由新繁蘿蔔堰引水入縣境至包家碾郭家橋流入興隆堰河河身在縣境約長十餘里

一興隆堰河 清白江第四支流從河吞場入縣境東行經江安

新都縣志

第一編輿地

河流

二十

橋通濟橋歷彌牟鎮匯上馬棚堰水紆迴曲折由黃家橋入金堂界河身在縣境約長四十里

一永固堰河 清白江第五支流原名新開堰因屢被水冲更名永固堰由河吞場北四洞橋分南北流入縣境東行經軍屯鎮之北至胡家碾復合入清白江河身在縣境約長二十餘里

一黃河橋河 由石頭堰分引清白江水爲一小支東行經小水碾大木橋至彭家橋入金堂界河身在縣境約長二十餘里

一長連河 由督橋河分引清白江水爲一小支東行經黃草堰至復興菴入金堂界河身在縣約長十餘里

一上馬棚堰河 由向陽場清白江分支南流繞東北至黃家橋

入金堂界河身在縣境計長約十里

水利

縣境幅員不廣而土地饒沃一原於天然之水利一原於修築之堰工自秦漢以來食其利者至於今不衰真所謂流膏者也茲持以水道為綱以糧堰為目凡大堰所屬之小堰并附錄於各大堰下而灌溉之田畝與堰工之分擔均詳註於篇俾講求水利者有考焉  
錦水河引水之堰分五支灌溉

- 一由錦江堰係錦水河正流入口之堰其水自崩河坎入縣境引灌西區水二甲一帶糧田其次堰三堰為上鐵椿堰

新都縣志

第一編輿地

水利

二十一

下鐵椿堰上下鐵椿堰均灌溉南區吳一甲附近一帶糧田  
一由白水堰即舊志所謂水利河其水由傅家堰分引錦水灌西區水四甲南區吳一甲吳三甲新二甲新三甲田約共二萬餘畝共領十三堰每年淘修石壩子以占水之十堰按田派夫其田數夫數附註各堰下其堰為

桂花堰 占田一百八十七塊派夫四

頭堰 占田六百五十塊派夫二百

二堰 占田約八百四十六塊派夫八十二名五分

三堰 占田約八百一十七塊派夫四十二名六

學門堰 占田三百四十九畝派夫一名有奇 此堰以下分左右流

清涼堰 學門堰八塊夫二名五分屬堰一 茅草堰 派夫灌統清

之田連清涼堰約一千四百餘畝

蕭公堰 學門堰下右支堰占田一千五分屬堰一 筩子堰 派夫灌統

灌漑之田連蕭公堰約共一千四百餘畝

天星堰 此堰不在淘修石壩子派夫十二名金堂派夫六名工

板橋堰 占田一千零三十塊派夫三名五

土地堰 占田約共一千數百畝

油榨堰 占田七百二十九塊派夫二名五

沙堰子 灌田金

麥黃堰 灌田金

新都縣志

第一編輿地

水利 二十二

一由平昌堰 在新繁界內此水係新繁蓋水河餘水與錦水合流

入縣境灌西區回二甲姚家碾楊家碾附近糧田屬堰四

上丁堰 下丁堰 响水堰 濫泥堰

一由宋渡堰 在新繁界內引錦水灌西區水一甲水三甲白雲菴

較場壩一帶糧田屬堰有九 頭堰 二堰 燒房堰 高堰

沙沙堰 蔡家堰 馬家堰 缸缸堰 落底堰

一由馬沙堰 在新繁界內繁邑有大馬沙堰小馬沙堰 引錦水分二支入縣境

一支由龍堰流入灌西區水一甲王家樓蔡家碾附近糧田沿

河之堰計八

頭堰



二堰

張家堰

蔡家堰

哈哈堰

廖家堰

苦竹堰

黃土堰

一支由三道橋流入灌西區水一甲水甲四中區水一甲南區  
新二甲田約共一萬四千餘畝每年淘修石壩子共幫馬沙堰  
夫二十二名有按糧按畝兩種派法其糧數畝數夫數附註各

新都縣志

第一編輿地

水利

二十三

堰下沿河之堰計十有三

寫筒堰

糧三十  
八兩

靈官堰

糧三十  
三兩

大夫堰

糧三十  
七兩

踏馬堰

糧六十  
四兩

麥黃堰

糧二十  
八兩

以上五堰為上段共糧二百兩出夫十四名六分

竹紮堰

占田三百  
八拾畝

娃娃堰

占田四百  
貳拾畝

石頭堰

占田一千  
百六拾畝

郝家堰 八占田七百畝

牛角堰 八占田三百畝

劉家堰 貳拾伍畝

瓦窰堰 一占田一百畝

規磗堰 零伍畝

以上八堰為下段共田四千一百七十五畝出夫七名四分  
以上錦水河分流引水之堰

昆河引水之堰分三支灌漑

一由麥黃堰在新繁界內引水灌西區旃檀寺附近糧田屬堰三

楊柳堰 上鵝頸堰 下鵝頸堰

新都縣志

第一編輿地

水利

一十四

一由天開堰在西區昆河岸引水灌西區水三甲莫籠堰燕窠塘附近糧

田屬堰有四 劉家堰 土沱堰 碾門堰 碌磗堰

以上昆河正流引水之堰

一由二江沱下游分支匯成都千工堰水為龍門河內分四大堰  
其堰名為

大龍河堰 此係龍門河分昆河水入口之堰攔河計長七十

餘丈堰旁留一缺以通商船屬堰有二 漏鑽堰 灣灣堰

小龍門堰 係三岔河分龍門河水之河口堰灌下南區田五

千餘畝屬堰有三 蘇家堰 田家堰 石堰

紅沙堰 引水灌龍門河右岸糧田四千餘畝屬堰一 小紅

沙堰

開堰 此堰引龍門河水出境溉金堂縣田以堰在縣境故錄  
以上毘河分流引水之堰

清白江之灌溉由新繁引水入界凡六堰由縣境正流起水亦六堰  
一火燒堰 此堰爲清白江分水灌各縣田之總堰計長五里許  
統屬新繁彭縣新都廣漢金堂五縣水利前因清白江南岸冲  
塌水洩入錦水河五縣協力砌堤以資防堵每年淘修經費遵  
清道光十七年成案將堰水派作二十份新繁六份新都六份  
彭縣一份廣漢三份半金堂三份半新都經費每年由十二甲  
甲田按各甲灌溉田畝多少攤派

新都縣志

第一編輿地

水利

二十五

一常樂堰 係火燒堰下第一支流自蕭家碾引清白江水入縣  
境灌西區老五甲下河西寺迴龍山一帶糧田約二千畝屬堰  
三 回回堰 石家堰 麥黃堰  
一楊柳堰 係火燒堰下第二支流引清白江水入縣境灌北區  
東區水老回新各村糧田共計三萬餘畝其水至境分南北二  
支南支由雙柏樹入灌北區楊家菴馬家場麗元山一帶田北  
支由大成橋入灌北區前寺後寺淨室堂琉璃寺雙龍菴一帶  
田至洪水碾南北合流爲督橋河以下又分南北流其中分灌  
堰名各依次列後派夫之數亦附註各堰下沿河之堰共計三  
十有九

高堰子 名夫八

老鶴子 二夫十

新開堰 六夫十

石堰子 下屬五堰夫共三十名

小堰子

以上九堰係督橋河以上南支未匯北流分灌之堰

瓦子堰 二夫十

泥汜堰 二夫十

王家碾堰 二夫十

天星堰 二夫十

新都縣志

第一編輿地

水利

二十六

漏沙堰 名夫六

理堰 名夫六

石頭堰 下屬六堰夫共二十五名

家堰 葛家堰

黃河堰 五夫十

蘇家堰 名夫三

么堰子 下屬三堰夫共二十名

肚臍堰 名夫六

以上二十堰係督橋河以上北支未匯南流分灌之堰

自此以下

兩水合流為督橋河

魚嘴堰 周家堰 高堰 菖蒲堰 賴

木平堰 嚮簧堰 四平口

督橋河夫十 此堰以下分南北渠南渠為正流北渠分三支流

筒車堰名 夫十二名 第一督橋河

金斗堰 夫十五名 第二督橋河

趙村堰 夫十五名 第二督橋河

賀江堰 督橋河下南渠第三堰水灌金堂田

長連堰 夫十名 督橋河第一下堰北

新開堰 夫十名 督橋河第一下堰北

沙堰子 夫五名 督橋河第二下堰北

黃草堰 夫五名 督橋河第三下堰北

二扒堰 夫十六名 督橋河第六下北渠第二支流堰

石頭堰 夫十二名 督橋河第七下北渠第三支流第一堰

黃土堰 夫三十名 督橋河第二下北渠

新都縣志

第一編輿地

水利

二十七

以上十堰係督河以下南北兩渠分水之堰

一蘿蔔堰 係火燒堰下第三支流自同心橋引清白江水入縣境灌北區老二甲老三甲高祖廟一帶糧田沿河之堰計十

螃蟹堰

趙家堰

蔣家堰

官堰

樊家堰

板板堰

石堰

柳家堰

沙沙堰

包家堰

一興隆堰 係火燒堰下第四支流引清白江水灌北區老一甲

老四甲水一甲東區老六甲回一甲回三甲糧田約一萬畝零

通堰水錢以二十三座堰攤派新繁七座半金堂半座新都十

五座其入境之水分正流支流

正流分灌之堰計十有四

竹紮堰

新繁新都各占一半

黃金堰

新都縣志

第一編輿地

水利

二十八

豆腐堰

金牛堰

楠木堰

瓦窰堰

螃蟹堰

黃土堰

古老堰

瓦子堰

此堰下分南渠北渠

藍布堰

南渠乙堰下流  
馬扎堰 南渠乙堰下流

上沙堰

北渠甲堰渠  
下沙堰 北渠乙堰下流

支流分灌之堰計九 從南木堰下  
石匣子分堰

蔣家堰

舒家堰

破堰子

柏林堰

高堰子

余家堰

劉家堰

金斗堰

八陣堰

新都縣志

第一編輿地

水利

二十九

一永固堰 係火燒堰下第五支流引清白江水灌北區水二甲  
老一甲老二甲老三甲圓通菴軍屯鎮一帶糧田約一萬三千  
餘畝其水分南流北流  
南流引灌之堰計十有一

趙家堰

董家堰

回回堰

張家堰

劉家堰

黃土堰

板板堰

高堰子

矮堰子

熊家堰

撮箕堰

北流引灌之堰計十

和尚堰

二堰子

冉家堰

圓通堰

新都縣志

第一編輿地

水利

三十

黃金堰

魏家堰

陳家堰

雙水堰

周家堰

劉家堰

以上六大堰係由新繁引清白江水到縣之堰

一天星堰 在永固堰之下從清白江正流起水灌北區淨方寺

五靈寺一帶糧田沿流之堰計六

馬駒堰



高堰

龔家堰

龍家堰

泥汜堰

楊柳堰

一老流堰 在天星堰下從清白江正流起水灌附近一帶田

一漏冲堰 在老流堰下從清白江正流起水灌廣漢田二百餘

畝灌新都田二百餘畝

一粟米堰 在漏冲堰下從清白江正流起水灌清白江左岸東

瓜林一帶糧田

新都縣志

第一編輿地

水利

三十一

一上馬棚堰 在粟米堰下從清白江正流起水灌下東區回三

甲新一甲新二甲糧田沿流之堰計四

瓦子堰

朱壩堰

紡車堰

天星堰

一下馬棚堰 在上馬棚堰下從清白江正流起水灌下東區新

一甲楊家菴一帶田又東行出縣境分灌金堂廣漢兩縣田

以上六堰係由縣境直接在清白江正流起水灌溉之堰

物產

新都無高山峻嶺素不產礦其物產惟植物動物兩種

植物

縣境沃饒性最宜稻年中分爲上下兩季收穫上季以油菜子爲大宗而胡豆次之下季徧產稻米無種雜糧者其地之肥美可見但於阡陌間種植紅豆黃豆然不能多也  
煙草爲縣中特品他縣雖亦產煙非小柳葉也而尤以縣屬督橋河地面產煙爲最佳凡督橋河縱橫十餘里所產爲內莊非督橋所產爲外莊以土地既有肥澆故價格不無高下每年產煙約三十餘萬石售價值洋一百萬元之譜此爲縣中一大利源也

新都縣志

第一編輿地

物產

三十二

植桑之法縣人多不講求故養蠶者絕少清光緒末年風氣漸開種桑之家到處多有國變以來桑被斫伐而婦女經亂更無心飼蠶矣後有留心利民者尙宜注意及此也

竹有筋竹慈竹班竹水竹苦竹觀音竹而以筋竹慈竹兩種爲多其餘各竹亦不過間有種者

木則柏樹青缸檜木楊柳四種爲多以柏樹青缸其材堅緻檜木可供燃料楊柳爲水邊易生之物兼可護堤故也餘類甚繁非種植者所措意惜山地無多不能講求森林之學耳  
花則桂湖之桂樹老幹扶疎真數百年以上物每當秋季花開香聞十里其次則泰興場馬氏花園之牡丹最稱繁富爲他

縣所罕有而白者尤爲佳品

果則有桃有李有杏有梨有萍婆有橘柚種類甚多然縣中所產他縣亦產無足誌也惟唐鎮溫姓向有種佛手柑者其法極精所結之實向背重疊離奇幻化令人愛玩不置問之亦祇澆灌得宜耳惜近日無繼其術者矣

藥材則赤岸山之竹葉柴胡最擅勝名他縣雖產此不爲特品  
動物

六畜之中民間畜馬者少若牛若犬若豕若雞此爲常畜幾於逐戶皆有至羊則東區回民向有畜至數十頭者卒以無草地畜牧不能蕃滋

魚則有鱧有鯉有金鯽而以清白江所產之兩種爲特品一則仄身而長形似柳葉俗呼爲箭桿魚一則刺撥魚其狀類鱸味極肥美他處不能產也

鳥則有鶯有燕有鳩有鵲有鴉有鶉其他種類甚多然亦各縣所常有不足記述惟春二三月有雀狀小而色類鸚鵡綠靜可愛惜不多見也